



kat.komn.

22274

III

Mag. St. Dr.

P

Strophorus

Comae Franc. Apis summa eruditione

virtutis, et sapientiae cathedra theologica.

PANEG. et VITAE

Polon. Fol.

Nr. 1322.

A

C

M

S.
Ma
De
Cu

P

In C

Ex O

APSIS SV MMA

Eruditæ Virtutis & Sapientiæ
CATHEDRA THEOLOGICA.

Q U A M

D V M

Perillustis, Clarissimus & Admodum Reuerendus Dominus,

M. CHRISTOPHORVS
SOWINSKI,

S. TH. DOCTOR ROMANVS, Collega
Maior, Ecclesiarum Collegiatarum S. FLORIANI
Decanus, Custos Pilecensis, Cancellarius Posnaniensis,
Curatus Prossouicensis, Contubernij Philosophorum
& Scholarum Nouoduorscianarum Prouisor,

PRO LOCO

INTER PERILLVSTRES S. Th. DOCTORES.

In Augusta D. VLADISLAI AGELLONIS Aula,

D. D. Theologorum Lectorio.

PUBLICE DISPV TARET.

M. THOMAS FRANCISCVS ORMINSKI,
In Celeberrima Vniuersitate Crac: Philosophiæ Doctor, Matheseos Professor.

In gratulabundi pectoris argumentum, officioso calamo,

L V C I P V B L I C Æ,

P R O P O S V I T.

Anno Salutis 1691. Pridie Idus Iunij.

22274 III

C R A C O V I Æ,

Ex Officina Francisci Cezary, S. R. M. Illustris. ac Rndis. Dñi. Episcopi Crac:
Ducis Seueriæ. Necnon Schol. Nouoduorsc. Typogr:

APSIS SVMMA

Eruditæ Virtutis & Sapientiæ CATHEDRA THEOLOGICA.

EX Umbra in Solem, ex imis ad summa tolli,
omnium quidem conatus est, nonnullorū euentus.

Multos clara iuvant,
qui tamen vsitato Virtutum calle procedant,
paucos, Lynceus licet sis, reperiās;
Ocyor ventis, tendit in altum fastu laborans industria,
at quoties sine medio conuenienti,
toties in cassum, quinimò ad casum.

Monstruosum fateor ad præclara iter est,
eum tamen nullo infestari nocumento posse, certum habetur,
qui Virtutis munimento sese obuallârît,

cùm hæc Anthistheni sit armatura,
quæ, ne Herculeâ quidem vi, detrahi potest.

Verùm

cùm Virtutis rami, sudore ac labore pullulent,
quid mirum? si hæc duo vnita,
inuitos etiam, in summa honoris & gloriæ Apside firmare solent.
Is nempè, Virtutis & Laboris Genius,
Vt quamcunq̃ue Orbis plagam incolat, sibi reddat tributariam.

His Tu Comitibus

Perillustris Clarissime & Adm. Rñde Dñe.
M. CHRISTOPHORE SOWINSKI,
S. Th. Doctor & Professor DIGNISSIME,
eò vsque gloriæ processisti,

Vt ingens, imbellem Tuum encomiasten, cura circumstet,
quo Te dictionis apparatu,

Orbi Literario commendet, celebrandum.

Eum quippè Te, Natura effinxit,

Vt



Vt donis innumeris, ad miraculum vsque cumlaret.
Tuum felicibus ortum auspicijs ingenium,

Non vnum Neoclidam,
eo vti fecit Epiphonemate:

Nihil Fili mediocre eris!

Ita sanè,

Dedisti Nomen Palladi Iagellonicae,
quatenus Artibus ingenuis exornatum, clarius reciperes.

Trinum Plutarchi sancitum, sacrosanctè seruasti:
in animo temperantiam, in lingua silentium, in ore pudorem,
quæ in Te, ceu Erythræi maris gemmæ, enituère.

Quodsi Virtutis proprium, conciliare sibi animos omnium,

Tu & conciliaſti & poſſediſti ad inuidiam.
Seculi namq; huius, labes quedam & macula est, Virtuti inuidere.

Bonis auibus, ingreſſus es templum Laboris,
probè perſuaſus, Deos propitios reddi labore.
Redolebas lucernam Cleanthis in Humanioribus,
lux literatorum futurus;

iungebas inſomnes diebus noctes,
vt diſcuſſis ignorantia Cimmerijs,
Auroram Te omnigenæ Eruditionis probares.

Et quanquam Te,
in Regno Libertatis, cœlum ſalutauerit,
quò tamen liberior ageres,

Principi Libertatis Philoſophiæ, Te mancipaſti.

Hæc poſtquam
Athleticas vires ſuas, in Te experta eſſet,
Magiſtrum Virtutum, quia Philoſophum,
inuitauit ad Laureas.

Monſtraſti, quanti ſit momenti Laureatum eſſe,
dùm nulli parcens labori, in ſerutandis rerû penetralibus,
omnem difficultatis Gordium,

Clariffimi acinace ingenij, ſoluſti.

Traxiſti, Magnorum Orbis Lechæi Nominum pectora
in Tui amorem,

qui Te Didascalo,
 Augustam sui sanguinis Propaginem,
 ad præclara quæque formari, volûere.
 Circumduxisti per Exoticos Soles,
 pretiosum, Principum CZARTORYSCIORVM Pignus,
 eâ felicitate, animique magnitudine,
 quâ nemo maior & felicior.
 Videre in Te, Peregrina Gymnasia,
 Sapientis effigiem animi,
 quam gelido sub Aquilonis Axe progeneratam,
 mirari satis nequiuere,
 Sed exæstuabant Tui desiderio Clarissimæ mentes,
 utq; Redux, lucem Tuæ redderes Matri, fecere.
 Prius proinde es,
in Magnorum Virorum præcordijs hospes salutatus,
quàm peregrinâ clarior Sapientiâ redires.
 Abiuere in plausus & tripudia
 Cathedræ Philosophicæ,
 quæ à Te decus & pretium mutuari, exambiuerunt.
 Nec immerito;
 Onerosa quippè in decurrendo stadio Stagyritico sparta,
cum Atlantes etiam biennio fatiger,
 Te olympiade integrâ,
 ceu Athletam Olympicum, se maiorem, agnouit.
 Submisisti laboriosos Purpurato Honori lacertos,
 cuius, ut ex asse muneri respondebas,
ita laboribus enutritus Miltiades,
non unum Themistoclem, ad æmulationem, traxisti.
 Oceanum Philosophicum, bolide sagacis ingenij emensus,
 Diuiniorem animum Sapientiæ despondisti:
 quem hic funiculum non excutiebas?
 dum suavis eloquio, explicatu facilis,
 numerosâ Audientium afflueres coronâ.
 In quo Tua sit Sapiencia censu,
Vocali sensu, Religiosarum Pallas Familiarum declarat:
 quoties

quoties enim in Sacris Patrûm Cænobijs,
eruditi pars fueras certaminis,
toties palmari clarus decore, quia non sine palma.

Matura Prudentia,

*quæ Archidamo Viribus potior ,
tantum Te complexa est.*

Vt à fronte simul & Occipitio, oculatus esse videaris.

Perendinum Ventum perdiscere, Te non expedit,
qui ceu de specula

*quæ sint, quæ fuerint, quæ mox Ventura,
mente perspicaci, comprehendis.*

Tuæ in rebus agendis dexteritati,
nemo est, qui primas non deferat;

Ostendisti toties in Conuentibus Polonæ Nobilitatis,
quantoperè Filij, pro Matris honore, zelare debeant,

quàm liberè pro libertate agere liceat,

dùm Literariæ Cuius Reipublicæ,

ore diserto, & ad persuadendum efficaci,

Ciuium Polonorum animos,

ad agendum pro integritate Immunitatis Academicæ, flexisti.

Hausisti olim magnanimum Spiritum,

à flore illo Tulliani Eloquij cultissimo,

FLORIANO LEPIECKI.

Auunculo Tuo, numeris omnibus absolutissimo:

Quem ut pro Exemplari Tibi proposueras,

ita nunquàm non ex animi Tui voto,

Singulorum compos existis.

Quam conceperat quondam

de Senaculi Eruditorum grauitate existimationem,

Veneranda Poloni Senatûs,

dicam potius, Regum authoritas,

quando Tu, in Comitij Regni Generalibus,

Magnanimus Vniuersitatis Nostræ Cineas,

non attento maleuolorum conamine,

rem Tibi commissam, ex assè perfecisti.

Dignus profectò es,
in quem omnia laudum cogerantur encomia,
nisi quoduis Te supra sit elogium,
tametsi [vt Sapientibus usu uenit viris]
illud intra Te formas iudicium,
Vt imam apsidem humilis de Te sensus,
minimè transcurras.

Ego iam non plus vltra,
cum vltra meæ sit epicyclum tenuitatis,
ingentes Tuorum in Academia meritorum sphoeras voluere,
immenfas laudum texere apotheoses.

Narrent de Te,

quibus meliori finxit luto præcordia Titan.

Dùm Verò Romanâ insignis Lauru,
ad Senatûs Academici sublime procedis

Theologus Doctor:

ego Vota fero Tuo honori,

Vt summam Apsidem Eruditæ Virtutis & Sapientiæ adeptus

CATHEDRAM THEOLOGICAM,


Viuas longæuus,

ampliore in Re Literaria honore,

DECORANDVS.



Biblioteka Jagiellońska



stdr0006321

